

9. Мемлекеттік органдардың өкілдері болып табылатын Камкоршылық кеңес мүшелерінің саны үш адамнан аспайды.

10. Камкоршылық кеңестің отырысында ашық дауыс беру жолымен дауыстас басымдылығымен сайланатын (қайта сайланатын) оның төрағасы Камкоршылық кеңестің басшысы болып табылады.

Мемлекеттік органдардың өкілдері Камкоршылық кеңестің төрағасы болып сайланбайды және оның міндеттерін жүзеге асырмайды.

11. Камкоршылық кеңестің төрағасы болмаған жағдайда Камкоршылық кеңестің шешімі бойынша оның қызметін Камкоршылық кеңес қарамалға келетін мемлекеттік органдардың өкілдерінен басқа Камкоршылық кеңес мүшелерінің бірі жүзеге асырады.

12. Төраға Камкоршылық кеңестің атынан әрекет етеді және осы Қағидаларға сәйкес оның қызметін қамтамасыз етеді.

13. Камкоршылық кеңестің жұмысын Камкоршылық кеңес сайлаған хатшы қамтамасыз етеді.

### 3 - тарау. Камкоршылық кеңестің өкілеттілігі

14. Білім беру ұйымының Камкоршылық кеңесі:

1) білім беру ұйымдарының білім алушылары мен тәрбиеленушілердің құқықтарының сақталуына, сонымен қатар білім беру мекемелерінің шотына түсетін қайырымдылық көмектің жұмсалтуына қоғамдық бақылауды жүзеге асырады.

2) білім беру ұйымының жарғысына өзгерістер және немесе толықтырулар енгізу туралы ұсыныстар әзірлейді;

3) білім беру ұйымын дамытудың басым бағыттары бойынша ұсыныстарды әзірлейді;

4) қазақстандық азаматтардың отбасына жетім және ата-аналарының қамқорлығынсыз қалған балаларды орналастыру мәселелері жөнінде шараларды жетілдіру бойынша ұсыныстарды әзірлейді;

5) қайырымдылық көмек түрінде білім беру ұйымдарына түскен қаржыны бөлуге қатысады және оның мақсатты жұмсалтуы туралы шешім қабылдайды;

6) білім беру ұйымының бюджетін қалыптастыру барысында ұсыныстарды әзірлейді;

7) тиісті саланың уәкілетті органына немесе білім саласындағы жергілікті атқарушы органына Камкоршылық кеңестің білім беру ұйымының жұмысында анықтаған кемшіліктерді жою туралы ұсыныстар енгізеді;

8) білім беру ұйымы басшысының білім беру ұйымының қызметі туралы, оның ішінде білім беру қызметін ұсыну сапасы, қайырымдылық көмектің жұмсалтуы және қазақстандық азаматтардың отбасыларына жетім және ата-аналарының қамқорлығынсыз қалған балаларды орналастыру мәселесі жөнінде шараларды қабылдау туралы есебін тыңдайды;

9) білім беру ұйымы қызметінің мәселелері бойынша конференцияларға, кеңестерге, семинарларға қатысады;

10) білім беру ұйымының қызметімен, білім беру ұйымындағы білім алушыларға және тәрбиеленушілерге жасалған жағдайлармен танысады, білім беру ұйымының психологын қатыстыра отырып, олармен әңгімелеседі.

Білім беру ұйымдарының (құрылымдық бөлімшесі) қызметкерлері Камкоршылық кеңестің құзыретіне жататын мәселелер бойынша ақпараттарды ұсынуға ықпал етеді.

### 4 - тарау. Камкоршылық кеңес жұмысын ұйымдастыру тәртібі

15. Камкоршылық кеңестің отырысын оның төрағасы өз бастамашылығымен, Камкоршылық кеңес мүшесінің жалпы санының үштен екісінің бастамасымен шақырады.

16. Камкоршылық кеңестің отырысын шақыру туралы хабарламаға Камкоршылық кеңес төрағасының қолы қойылып, хабарлама отырыс өткізілетін күнге дейін жеті жұмыс күнінен кешіктірілмей қажетті материалдармен бірге Камкоршылық кеңестің мүшелеріне және Камкоршылық кеңес қызмет ететін білім беру ұйымына жолданады.

Хабарламада отырыстың өткізілу күні, уақыты және орны жазылады.